

Nagaland Japan Connect 2.0 tenzükogo

Dimapur, July 21, 2026 (TYO): ARMS Incorporation Centre nung Nagaland Japan Connect 2.0 tenzükogo aser iba sentong nung Nagaland sorkar, Kochi Prefecture, Japanese teloktem aser lanurtem adener.

Iba sentong ya Chümoukedima nung ARMS Incorporation office aser training centre lapokba den külemi tenzükogo.

Iba sentong nung Advisor to the Chief Minister & Investment and Development Authority of Nagaland (IDAN) Chairman Abu Metha, Industries & Commerce Advisor Hekani Jakhalu aser Kochi Prefecture nungi züngsem 21 agi akümba teshimtet telok ka aden.

Planning Supervisor, Commerce & Industry Policy Division Kiyo Maeda-i anir Japanese telok 14 nungi nübotem arua lir.

Vice President, H&A India Pvt. Ltd. (ARMS Incorporation) Nagatoshi Shibata-i 2022 nungi ARMS renloka aruba indang jembi.

"Iba centre tasen lapokba ya alizüng tongtipang ka lir aser iba ajanga Japanese language training, skill development, career guidance tongti tesem ka ama asütsü aser Nagaland o Northeast nungi lanurtem nem maongka tuluba bentsür arutsü" ta Nagatoshi-isa ashi.

Nagaland aser Kochi

Prefecture tsüngda teti amalitepa aruba ajanga tajungba küma arur aser Naga lanurtem asoshi mapa inyaksü maongka tasentem adokogo ta Abu Metha-i ashi.

Chief Minister Dr. Neiphiu Rio-i anir Nagaland sorkari Japan semdangogo aser iba tesentaktep ya education, culture, tourism, aser people-to-people exchanges tashi ulushiogo ta paisa metetdaksü.

"Kochi Prefecture den maneni inyaksangshia aruba ajanga tesentaktep tajung aliba aser Japan nung Naga lanurtemi mapa tajung inyakba kuli agütsür" ta Hekani Jakhalu-i ashi.

Laisa sendaktepa alirtem dang service sector dang masü saka skilled trades aser tanga high-demand occupations nunga maongkatem agütsütsü ayongzük.

"Kochi Prefecture nung Naga lanur 40 tema mapa inyakdar. Japan nung mapa inyaksü nübo kanga nüngdaker aser talisa ibaji aluyimba nung lir anungji Nagaland nungi lanurtemi tajangzük agitsü ayongzüker" ta Maeda-i Kochi Prefecture tenüng nung jembidang ashi.

Kochi Prefecture aser Nagaland tsüngda tesentaktep ya Kochi-i international collaborations nung takok tulu anguba rongnung ka lir. Kochi nung construction, hospitality, caregiving, aser agriculture nung mapa aika lir ta laisa ashi.

Kohima DC-i NEFTOD&TU den ajurutepe

Dimapur, July 21, 2026 (TYO): Kohima Deputy Commissioner B. Henok Buchem-i July 21, 2026 nü North East Federation of Truck Owners and Drivers Union (NEFTOD&TU) teshimtet nübotem den ajurutepe senden ka menogo.

NH-29 aser NH-2 nung gari tulutem noktanga aser trucking pur tebilemsü balala atema iba senden amen.

NEFTOD&TU ajanga shidi züluba nung tebilemsütem ya state mesüra union ka atema dang masü saka region ajunga nung kongshiba ashiba agizüker ta DC Henok Buchem-i ashi.

"Tesüiba nung trucking nübortemi tensa tamajung ajurudang amalitepa yaritepa bilemteter. Administration-i nenoki ashiba onüktem asadangtsü aser nenokia lenmang nung gari anena yutsür aoba jangjatsü aser nüngdak maliba nung horn magütsütsü ayongzüker" ta Deputy Commissioner-i ashi.

Tang Kohima bypass teyangludak lir aser tzüngluruwa

mapang NH-29 aser NH-2 mejungi akümba agi June nungi October 2026 tashi 10-wheel garitem aser khu taret abenba garitem noktanga lir. Iba ya May 29, 2026 nü Chief Minister-i ayongba senden nung jembidang khen atema inyaksü lemtetba lir ta paisa metetdaksü.

NEFTOD&TU President-i district administration dang senden amentsü ayongba atema pelaba ashi aser NH-2 nung Kohima-Mao stretch nung gari tulutem noktanga aliba meyipa reprangshitsü mepishi.

Iba tenokdangba ajanga truck owners aser drivers-i senotsü timtem kanga ajurur kechiyong onok aika vehicle loans agütsür anungji administration-i 35 metric tonnes (maximum load) tashi 16-wheel truck garitem senzüdaksütsü mepishir ta paisa ashi.

NEFTOD&TU-isa district administration, Police, Transport Department, NHIDCL/PWD aser parnok teshimtet nübotem dena joint monitoring committee ka tentettsü tebilemba lemsatpe.

Nagaland sorkari helpdesk numbers lapoktsür; Tsüingsang majungtsü

Dimapur, July 21, 2026 (TYO): Nagaland nung anentsüh, ajungben tzümetsüng aser lenmangtem anenzüka aoba lendong balala atalokba nung takoksa anguba kibongtem yaritsü atema sorkari helpdesk numbers lapokba metetdaksü.

Lendong balala ajanga kibong aika talidak mali kümogo aser parnoki shelter & relief assistance nüngdaker. Parnok nem sorkar aser nija agencies-i teyari agütsütsü atema helpdesk numbers lapoktsür ta Secretary to the Government of Nagaland, Sentiwapang Aier-i sangdong ka nung metetdaksü.

Helpdesk numbers:

- L. Jonjibemo Odyou, Assistant Manager (Relief, Recovery, and Mitigation) NSDMA, Home department @ 8258896057/Email: jonji2002@yahoo.co.in**
- SEOC help desk @0370-2270129/ 0370-2270130 E m a i l : seoc.nsdma@gmail.com**

Nagaland State Disaster Management Authority (NSDMA)-i July 24 tashi

Nagaland kübok district aika nung tsüingsang majungtsü aser tzünglu arutsü osang metetdaksü.

July 22 nü Kohima, Mokokchung, Mon, Longleng, Wokha, Zunheboto, Tseminyu aser Noklak nung tsüngi aitsü aser tzünglu tuluba arutsü ta akok ta NSDMA-i ashi.

Maneni, July 23 aser 24 anogotem Longleng, Mon, Tuensang, Kohima, Meluri aser temeket district tem nung tsüingsang majungtsü aser tzünglu arutsü imlar ta parnokisa shisem.

Nagaland kübok tesem balala nung ajungben tzümetsüng aser anentsüh lendong balala atalokdang nisung taküm 9 samaogo aser pezü mangu bushitepdar ta NSDMA-isa metetdaksü.

State kübok tesem balala nung rescue teams-i search operations inyaka arudar.

Tasür ajak ya Mon jila nung anentsüh tulu ka aludang asüba liasü. Külen Naganimora nung rescue personnel-i nisung pezü tzü agi ponger aodang kümzükogo ta parnokisa metetdaksü.

NTA & ZTO-i certified local tourist guides amshitsü nenshir

Kohima, July 21, 2026 (TYO): Nagaland Tourism Association (NTA) nungi züngsemtemi capacity building program kübok Arunachal Pradesh, Assam aser Meghalaya semdanga senzü.

Parnoki Lower Subansiri district nung Ziro Tourism Organisation (ZTO) den ajurutepe senden ka amen aser idangji Northeast ajungalen tourism akangshitsü atema certified local tourist guides amshitsü indang jembitep.

NTA teshimtet teloki familiarisation tour nung shilem ka ama Namsai aser Pasighat semdangogo aser idangji tourism lenmang bushitepa liasü.

July 17 nü ZTO chairman Hibu Tatu'er kidang senden amending parnoki local tourist guides indang shilem kanga tongtipang ta jembitepa liasü.

Tourist guides ya route navigators dang masü saka pei pei tesem atema ambassadors lir aser ainertemi mezüng ajurutepertem lir ta parnoki jembitepa liasü.

(ASDMA)-i ashi.

Sivasagar jila aser Nanglamoraghat nung Dikhow aser Desang ayongtem 'extreme flood level' nung lir aser Golaghat district kübok Numaligarh nung Dhansiri River 'severe flood stage' nung lir ta ASDMA-isa metetdaksü.

Jorhat kübok Neamatighat nung Brahmaputra aser Dibrugarh nung Buridihing ayongtem nung tzü 'danger level' nung yimdar ta parnokisa ashi.

Upper Assam kübok tesem kar nung tanü agi anogo anabuba rail connectivity nung timtem ajuruogo kechiyong Sivasagar district kübok Simaluguri nung railway tracks tzü agi

Certified local guides ajanga putiotsü, sobaliba, inyaksangshi aser senmang meyipzüka ashir. Parnok shisatsü ajanga ainertemi nübortem tali angateter aser lisopur inyaksangshi, sobaliba aser lipoküm akhümtsübudaksür ta parnokisa lemsatpe.

Northeast nung tourism standards ajungkettsü atema ZTO chairman Hibu Tatu, NTA president Vimeto Vakha aser NTA General Secretary Veshehu Kezo nungeri certified local tourist guides amshitsüla ta metetdaksü.

Northeast Frontier Railway (NFR)-i Simaluguri-Namtiali aser Simaluguri-Selenghat sections nung train services anena lir.

Karbi Anglong nung waterfall picnic tesemtem shibanger:

Karbi Anglong District Disaster Management Authority (DDMA)-i tzümetsüng tensa aser public safety nung ajemdaker district nung waterfall picnic tesem ajak shibangba metetdaksü.

Tsüingsang kanga mejungi akümba aser lendong ataloktsü ana nung aliba ajanga iba tenokdangba agütsür ta District Commissioner & DDMA Chairperson Aranyak Saikia-i ashi.

NH-2 Mokokchung-Tuli lenmang nung anentsüh 30 alua lir

Mokokchung district nung NH-2 Mokokchung-Tuli lenmang nung anentsü 30 tema aluba osang angazüker.

Anentsüh tila aika Yisemyong-Chuchuyimlang aser Unger-Merangkong tsüngda alua lir saka Merangkong anasa ana aser Tzudikong o Tuli tsüngda asem ta anentsüh tululu alua lir.

Iba lenmang lapoktsü atema nübo aser heavy machinery mapa lemzüksüogo aser Tzudikong-Tuli section lapoktsüba nung temulung kanga agütsüdar. Ajisüaka Unger-Chuchuyimlang lenmang nung lenmang tulu ka anenoka ia lir aser iba ya yanglutsü mapang talangba agitsü ama bilemer ta ketdangsürtemi metetdaksü.

NH-2 nung tesenzü majungba agi Mokokchung district administration-i NH-702D (Mokokchung-Mariani Road) ajanga essential commodities abentsü metetdaksü.

Mokokchung DC-i PWD (NH) dang iba highway jungjunga anepalutsü mepishio.

TzünglusashiaarubaajangaBhandari Sub-Divisionnungakongshi



Dimapur, Chiteni/July 21 (TYO): Wokha district kübok anogo ana-asem tanen makai tzünglu kanga sashia aruba ajanga Zero Point, Bhandari Town nungi Bhandari village, Alikhum village, Longchum village aser Yimpang Village sendaktepba lenmang ka aliba aji atsüoka yiogo.

Lenmang atsüoka aiba ya Zero Point, Bhandari Town nungi Yimpang village tsütsü kilometer ana nungi asem tsüngta pilar atalok.

Iba lenmang yanglushitsü atema Bhandari village aser temeket nung aliba nüburtem ayongdena liasü aser yimtsüng pezü iba tesem ajanga senzüba

nung yaritsü atema nokdanga aliba lenmang shilem kar lapokogo, ta Lotha Youth Hoho tatong tir Rikhyothung Odyuo-i ashi.

Bhandari Town nung Ward 8 kübok alinen agi ki ana nung kongshi aser Yimpang village nunga ki ka nung alinen agi kongshi, ta ashir.

F&CS Dept.-i non-indigenous GHH beneficiaries dang metetdaksür

Dimapur, Chiteni/July 21 (TYO): Department of Food & Civil Supplies, Government of Nagaland ajanga sangdong ka nung non-indigenous nisungtem Tide Over Allocation kübok General Household (GHH) Scheme nung tenüng züluokner asoshi ano 'mandatory documents' talila meshitsü ta metetdaksü.

Iba sangdong ya department-i taoba mapang National Food Security Act, 2013 mapa kuma amshitsü

asoshi guidelines agüja aliba aser Tide Over category kübok GHH Scheme tenzüka amshiba nung bendenloksemba lir ta ashi.

GHH Scheme kübok tenüng züluokner non-indigenous temi pa mesüra la ration card mali aser pei home state nung Public Distribution System (PDS) kübok teyari magir ta pei sasa sangdongba kulizüng kaket agütsüsüla.

Non-indigenous residents nem agütsüba General

Household ration cards ajunga nung, "Non-Indigenous Residents of Nagaland nem Card agütsüba ya jang o tzü agütsüsü atema dang lir aser proof of identity mesüra tanga nüngdak atema document ka ama mamshitsü/magizüksü," ta zülutsüsü department-isa tuyuogo.

GHH Scheme kübok mapa kuma inyaksü atema item tali nüngdakbatem metetdaksür aser tang nungi amshitsü, ta sangdong ajangasa ashi.

Mokokchung nung naro ayokdak ka lapok



Mokokchung Whimsy Fresh Flowers naro ayokdak lapoker kelen MMC Councillor Wb.Imtitoshi(abelen nungi anabuba) aser Narola aser Ajmal den yaritepertem külemi tangokba noksa.

Mokokchung, Chiteni/july 21(TYO) : Mokokchung nung nüburtemi kanga dang nungdaka aliba naro ayokdak "Whimsy Fresh Flowers" ta sür Mokokchung Municipal Council Councillor Wb.Imtitoshi-i mera keta lapoktsüogo.

Iba naro ayokdak Whimsy Fresh Flowers ya Arkong Ward nung State Bank of India anasa Ajmal aser Narola tena semtepa lapokba lir. Tena ya küm 10 shi Florist ka ama

Shillong nung inyaka liasü aser tenatisa taoba 2025 küm Dimapur nung Whimsy Fresh Flowers ta tenüng jar lapok aser tanü Mokokchung nung lapokba ya iba kongsangji lapokerta Narola-i osangbenertem den jembidang ashi.

Sentong nung Ajmal-i mapang tatsüka agia jembidang küm ka tejaklen Dimapur nung naro ayokdak lapokogo aser Mokokchung nung iba ama naro

petzükben (Fresh flowers) manguba tia ngua Mokokchung nübur nungdakba reprangteta Mokokchung nübur yaritsü asoshi lapokba lirta lemsatep.

Iba naro ayokdak ya sentong balala aser nüngdak balala asoshi naro tapu balala angutsü. Tanü iba sentong tatsüka agiba mapang Rev.Sentimeren-i Tsüngrem o zünga saraadema iba naro ayokdak meshitetja aser temoatsü mashie sarasademja liasü.

Medziphema nung mejangjaba nisung tasü mang ka nguteta lir

Dimapur, Chiteni/July 21 (TYO): Medziphema Ward 1 nung ki tazüng ka nung Naga nunger masü tebur arishi küm 45-50 shi tain mejangjaba nisung ka süa aliba nguteta lir, ta July 20, 2026 anüngdang 12:30 ako meta tebang agi osang ka aru. Iba osang aruba den külemi duty nung aliba police tem iba tesem bushia ao, ta Dimapur Police sangdong ka ajanga ashi.

Tasü mang junga reprangshimba mapang

shirangba aser yasa-tzüraaba ajanga asüba süti ta ajitet. Ozüng agi melaba mapa ajak inyakba sülen tasü mang ya PM examination/identification atema District Hospital Dimapur Morgue nung bener oa lir.

Kibur/kinunger/tembar temi Officer-in-Charge, Medziphema Police Station den Mobile No. 7085055023 ajanga tongteprateptsü ayongzüker, ta sangdong ajanga ashi.

Ex-PAN ajanga Mon nung asü-amaba tejashi lemsateper

Dimapur, Chiteni/July 21 (TYO): Mon town nung July 19, 2026 nü alinen alua nisung 9 asüba den ko o jen raksaba osang angashia tejashi lemsateper, ta Ex-Parliamentarians Association of Nagaland (Ex-PAN) sangdong ka ajanga ashi.

Nagaland nung alimar lendong balala ajurutsü kanga melar, ajisüaka urban areas nung iba ama lendong ajurua nisung takum aser ki o jen

samaba ya kangasa taoksatsü lendong lir.

Asürtem asoshi onoki mang ayimer aser iba lendong nung yirur alirtem atema maneni sarasademtsür, ta ashi.

Mangyimer kibongtem den asükhü lemsateper. Tsüngremi parnok mulungjang nung anisüngzüker agüjang ta sarasademtsür. Asürtem tanüla teti tatem maka tesunep nung anisüngzükerjangma, ta Ex-PAN sangdong ajanga ashi.



July 21, nü Longleng district kübok, DC Longleng, W.Manpai Phom-i anir ketdangsertem anentsü alua aliba tesemtem repranga jajaba noksa nung angur.

Mokokchung district nung Congress lenirtem ajakanener

Mkh.July 21 (TYO) : inyakba agi, telok nung Nagaland Pradesh Congress Committee (NPCC) nung itshitsü melena tashi mait leniri pei sünütsü süa lokti aniba agi jashiseta Congress telok nung lenisüba mapa bena aliba nungi dang masü saka Congress telok nungi dena anener ta Mokokchung district nungi DCC tir Wb. Watimongba Aier aser NPCC nung tezülur Wb. Lanusanen Imsong nati anir NPCC, DCC, Mahila, Youth, Minority aser Seva dal nung menden purtem ajaki külemi tezüluba ka nung AICC tir nem July 21, 2026 nü agütsüogo.

Taoba ita ishika tsüngda NPCC leniri Congress nung akhidang nungi kanga meranga inyakerkem rongnung temulung malem adoktsüsa

telemsa adoka telungjem tashi itshitsü melena tashi mait kümogo, iba jagi tang aliba lenisüba kübokbo onok Congress nung maneni dena aotsübaji tamakoktsü kümogo ta parnokisa AICC lenir nem agütsüba shiti nung shisema lir.

Congress telok ya samadoktsü aliba tensa tia nunga onoki Congress metoktsüi tangatetba nung akanga ammeter inyaka aruogo, ajisüaka tangbo onoki repranga lia Congress tenteta raksaa aobaji reprangabo meliteter, iba jagi anener ta Mokokchung district nung Congress lenirtemisa parnok Congress nungi anenba shiti nung metetdakja lir.

Rahul Gandhi-i anir party lenirtemi PM'er kima longkak ait



New Delhi, Chiteni/July 21 (Agencies): Leader of Opposition aser Congress MP Rahul Gandhi-i anir par party-i Mongolbarnü 7, Lok Kalyan Marg, New Delhi nung PM Narendra Modi'er official ki kima longkak aita liasü.

Hombarnü Cockroach Janata Party's (CJP) puri ayongzüka longkak aiba mapang police-i tashiyim amshiba dak sendakba nung parnoki PM Narendra Modi, education minister Dharmendra Pradhan aserd home minister Amit Shah nunger mapa nungi anentsü takhangba agüja liasü.

"Yashi lanur kaketshirtem dak tashiyim amshiba atema telangzüba meshitsü asoshi onok PM Modi'er kidangi oa liasü. Sorkari aibelen menangzükner aser Parliament nunga iba ken o sensak mesemner. India nunger lanurtem tarutsü raksatsüba atema PM aser HM na mapa nungi anentsüla," ta pai X nung post sütsü.

Parliament Monsoon Session tenzüker tananübuba iba ya ataloka liasü. Hombarnü CJP-i ayongzükba 'Chalo Sansad' march mapang police den mangatetep adokba sülen longkak aitertem aika yirua liasü. Iba ajanga linük tatidang aser education system nung inyakyim meshidakba dak sendakba nung opposition aser sorkar nata asendenshir o agi

raratep tenzükogo.

Party tir Mallikarjun Kharge aser general secretary Priyanka Gandhi Vadra aser KC Venugopal nungeria longkak aitba sentong nung shilem agia liasü. Rahul-i anir tang mezüngbuba PM'er kima longkak aitogo.

Lok Sabha speaker-i Parliament nung iba ken o benoktsü atema maongka magütsüba ajanga Rahul Gandhi-i PM'er kidangi aotsü asoshi telemtetba agia liasü, ta lenir kati HT dang ashi. "Pai MP tem dang ken o dak sendakba nung asenoki oa PM mesoti ta ashi," ta iba ken o jangja alir kati metetdaksü.

Longkak aitba sentong metenzük tsüngda Parliament kima osangbenertem den sensaksemba mapang, kaketshirtemi parnok tebilemstsü lemsatepba azüoktsü atema police tashi amshiba atema Gandhi-i Centre aija liasü. "Linük ajungai education system aser tetendangba yimya meshidak ta meteta lir. Tetendangba inyakyim ya shipu agi chir tapok kümogo. Ni iba dak sendakba nung ola aiben adoka arudar. Ato Kilonser kechiba ajem ajema alir," ta Gandhi-i ashi.

"Onok Speaker dangi ao aser onoki kaketshirtem ken o ya sensaksemner ta ashi, aser Speaker-i ken o khen atema

sota atatsü ashi, kechiyong pai sorkar dang asüngdangtsüla ta ashi. Ya kechiar nenoki angateter na? Parliament nung sensak asemstsü atema sorkar dang nungi temelaba meshitsüla ta Speaker-i onok dang ashir," ta pai ashi.

Police-i telangzüba agütsüba ya "un-Indian" ta shia pai kaketshirtem dak iba tashi yabo mebenshitsü asü ta ashi. "Linük nung lanurtem dak yamai mebenshitsüla. Linük nung lanurtem maongka mali; kishi ajak shibangogo; competitive tatidang atema kishi ka lapoka lir aser iba ya-a raksaogo. Kaketshirtemi education system kija atema masü saka parnok tarutsü atema ashishir," ta Gandhi-i ashi.

Paisa, linük education system ya Rashtriya Swayamsevak Sangh (RSS)-i atsüngogo ta ashiba den kaketshirtem masü saka industrialist tem nemang maongka timba agütsüba atema Modi sorkar aija liasü.

Osangbenertem den sensaksemba sülen Congress MP Priyanka Gandhi Vadra aser Congress general secretary K C Venugopal nati miner Gandhi-i Ram Manohar Lohia Hospital semdanga Hombarnü yirurtem den ajurutep aser iba sülen Lok Kalyan Marg nung longkak aiddaki oa liasü.

(Maneni tapak 7 nung...)

Sikkim anentsüh lendong nung nisung 10 süogo

New Delhi, Chiteni/July 21 (Agencies): Sikkim, Namchi district kübok Samardung nung tzünglu kanga sashia aruba sülen Teesta hydroelectric project nung tang yanglua aliba tunnel ka chirepa nisung ter süogo aser ano nisung ter shi sabanga alitsü ta bilemer.

July 21 nü 9:30 ako tashi nung teküzmükertemi tunnel chireper aliba nungi tasü mang 10 agiteter liasü.

"Hombar aonung tepeyong teküzmükba maparen inyak aser tasü mangtem ya anepdangang (Mongolbar) agiteta liasü. Tzünglu maneni arur asünung teküzmükba maparen nung tetsükdaktsü adokdar," ta police superintendent Sonam Doma Bhutia-i ashi. Laisa, tsüngsang majungba aser alinük mesademba ajanga nüburtem

küzmüktsü atema merandangba asemben tashi tamakok ngua liasü, ta ashi.

Tasü mangtem ya Namchi District Hospital, STNM Hospital aser District Hospital Singtam nungeri benerogo. Kasa mapang nung National Disaster Response Force (NDRF) team tanga ka sabanga alirtem küzmüktsü atema tunnel telung-i iogo.

Sikkim chief minister Prem Singh Tamang-Golay-i ashiba agi, district administration, police, State Disaster Response Force, Fire and Emergency Services, aser National Disaster Response Force, aser tanga specialised agency tem nungi team tem iba tesem nung inyaksangshidar. Paisa, pai teküzmükba maparen ya kanga junga asadanga atadar, ta ashi.

Ken o jangja alirtemi ashiba agi, tunnel nung mapa inyakterem ya telung leni km asem shibo ir alitsü, aser tsüngsang mejungaka teküzmükba maparen maneni benoka inyakdar.

District collector Anupa Tamling-i ashiba agi anentsüh aluba mapang private company ka nungi nisung 19 aser the National Hydroelectric Power Corporation (NHPC) nung trok ta iba tesem nung mapa inyaka liasü. Parnok kümzüki aier asem rongnung anabo meyipa madok. Iba tunnel ya NHPC indang Teesta Stage VI hydroelectric power project nung shilem ka lir.

Tunnel chirepba mapang mapa inyaker 27 telung nung liasü. Parnok rongnungi 16 jenteta liasü, ta ketdangsürtemi metetdaksü.

KOHIMA AOR PENSIONER TELUNGJEM

Pezübuba Inti Senden

Anogo : July 24th 2026

Mapang : 11:00 Ako

Tesentepdak : KABA Lerie Fellowship Tenla ki

Tongti Tejaoker : Dr. S.C. Jamir
Former Governor of Goa, Maharastra, Gujarat & Odisha and Former Chief Minister of Nagaland

Ketdangpurtem

Tir : Dr. L. Temsü Jamir

Tatong Tir : Wb. L. Chubalepzük

Tongti Zülur : Wb. N. Wati Atsongchanger

Repsem Zülur : Wb. Imti Longchar

Senotsü Zülur : Wb. Lanu Jamir

Kimen : Er. Lanuaküm Ozüküm

Sentong Tarensen

Menden : Ketdangpurtem

1. Asür Bilemtetba : Wb. L. Chubalepzük Tatong Tir

2. Sarasadem Mapang : Rev. Sentisashi Aier, Senior Pastor, KABA

3.Menden Okila : Dr. L. Temsü Jamir Tir

4.Tayongzükba O : Wb. E. T. Sünep IAS (Retd.)

5.Temeja Ken : Lerie Kiyong Tayonger Wb. Imti Longchar

6.Tongti Tejaoker O : Dr. S.C. Jamir
Former Governor of Goa, Maharastra, Gujarat & Odisha and Former Chief Minister of Nagaland

7.Melepszüng O : Wb. N. Wati, Atsongchanger

8.Tatem Sarasadem : Telok

Temetettsü

1.Iba sentong nung KAPT züngsem ajak arua adentsü pelashishia jaoker.

2.Iba senden nung KAPT maparen nung amshitsü atema temulunger tenla bendentsü anungji züngsem ajaki mulungsoa tenla tajung bener arutsü mepishir.

3.Züngsem kari züngsem saru tasen pur atema (Registration) Rs. 500/- aser kümshi saru Rs. 200/- magütsüi lira iba sendeni arudang agütsütsü mepishir.

4.Iba inti sentong takok aser temoatsü nung agitettsü ajaki sarasadema atadi.

5.Sentong temer lokti chijongba mapang alitsü.

India-i Russia indang diplomat jaoka tashishiba agütsü

New Delhi, Chiteni/July 21 (Agencies): India-i Mongolbarnü Russia indang diplomat jaoka, Russia-i Ukraine tzüküm nung shishilembadang amshiba rong amakba aitsüogo, kong India nunger pezü densema crew 10 süogo.

External affairs ministry-i Russia indang chargé d'affaires Vladimir Ladanov Mongolbar anepdang jaoka liasü. Russia aser Ukraine na rara nung tang mezüngbuba India nunger rong nung senzürtem tepsetogo. Russia indang ambassador New Delhi nung maliba ajanga Ladanov ya jaoka liasü.

Ministry-i, July 19 nü MV Golden Leo amakba aitsüogo, kong India nunger pezü taküm sama liasü, ta official sangdong ka ajanga metetdaksü.

Ministry-isa, Ladanov dang iba amai rongtem amakba ajanga international maritime commerce tamendakdak anokshitsür, teküzmükba kübok inyaksangshitsü aser security nung tetsükdaktsü adoker ta shiogo.

Russia indang chargé d'affaires dang, India-i iba tashishiba benokba ya ketdangsürtem nem osang agütsütsü atema m e t e t d a k t s ü o g o . Shishilembadang amshiba rongtem amakba ajanga tai

maketba civilian tem taküm samar, koba agizüksü makok aser takok tashi paitoktsü merangtsüla, ta ministry-isa shisem.

Black Sea nung Russia-i Guinea Bissau wako songer aliba rong amakba ya India-i aitsüogo, aser rara mapang shishilemba dang amshiba rongtem amakba anentsü asoshi nenshia metetdaksüogo.

Iran aser US nati Strait of Hormuz nung shishilembadang amshiba rongtem amakba mapang India nunger rong nung senzürtem ter jungnüa süogo, aser iba ajanga New Delhi-i Iran aser America nunger diplomat tem jaoktsüsa aküm.

Khu abenba rong MV Golden Leo ya Deobarnü nikongtsütsü Odesa rongnendak toktsür aoba mapang maka liasü. Ukraine indang Air Force-i ashiba agi, Golden Leo ya Russia indang cruise missile temi kongshiba sülen mi adoka liasü. Rong nung India nunger pongu densema crew 17 liasü.

Lendong nung India nunger pezü asü aser ka kanga mejungi yirur mozükidangi aniogo, ta external affairs ministry-i Hombarnü metetdaksü. Ukraine indang seaport authority-i ashiba agi, Golden Leo nung mena aliba crew teku aser Ukraine nunger pilot ka süogo.



TIR YIMYIM YIMOBILEM (EDITORIAL)

DIMAPUR WEDNESDAY, JULY (CHITENI) 22, 2026

Tatidang junga magitetba

Delhi nung dang masü saka tang linük tesem-tesem nung lanurtemi Union government nung Education minister Dharmendra Pradhan mapa nungi anentsüla ta takangba agüja tatar hoho sendena aliba tesem tonga oagi longkak aitba sentong ya timi menokdangra linük nung lendong timtem adoktsü ana nung dang lir. Atangji, küm shia linük nung kaketshirtem rongnung, talisa, technical azüngtsü purtem rongnungi medical aser engineering azüngtsü atema jala jabasotem lakh aika agütsür. Aji oda, menden ka atema nisung meyerijang dak tali agütsür asünungji, India nung government teyari agia medical aser engineering azüngtsüba mapa ya temela masü. Ibayongji, iba tatidang agütsütsü asoshi tsüraburtem aikati tanurtemji class ter matongdangyongi renemtsür aser class 10 aser 12 azüngdangbo ano terenemshiba sentong balaka nung tanurtemji züngdaktsür. Aji oda, tsürabur aikati pei chirnur medical aser engineering zünger doctor aser engineer akümbaji alima nung tematiba jenjang atonger amai bilemer, anungji timtem kaji, kibong aika nung tanurtemi mejangraaka, tsüraburtemi kangshia medical aser engineering züngdaktsür. Iba jagi balaka tanurtem aika temulung mepelai akümer aser tamakok dang masü saka takoksa tulu ajurur. Iba amaji shisaboluseta lesson bushia atar külen medical azüngtsü purtem NEET tatidang agütsür aser Engineering azüngtsü purtem JEE agütsür. Ajisüaka, item tatidangtem asoshi tasüngdangbatem renemertemi tasüngdangbatemji sen agi yokadokra, kasa tanüngba tatidang agütsütsütsü pur tanurtem lakh paika tarutsü tiaji kechi kümtsür asütsü ? Tang Delhi nung Cockroach Janta Party (CJP) purtemi tatar senden aliba ki tonga oagi longkak aita Education minister mapa nungi anentsü akangbaji, taküm küm linük nung medical azüngtsü purtem NEET tatidang asoshi renemba tasüngdangbatem jelia kar nem agütsüba puteta tatidang agütsür aliba ajak tamagitsü kümdaktsüba ajanga atalokba mapa ka lir. Atangji, belemseta lesson bushir tatidang agütsüba tamagitsü kümdaktsüba tezüdangtsüka aser tejashitsüka lir. Tanur ajak kasa masü, parnok aika kanga sensaker kibong nungi lir, anungji pei alidak nungi tatidang agütsütsü asoshi aotsüjia anarongdena senotsü aputepa bener oa agütsür. Iba ama timtem agia tatidang agütsür, ketdangsertemi tatidang agitsüba maparen junga ketdang mesütetba agi ano tatidang tanaben agishitsüba koda ? Iba jagi tanurtem dang masü saka tsüraburtemia kanga jashir. Itemji Government nung alirtemibo zübazübaa bilemtsüa akok mesüra NEET tatidang agütsütsü purtem atema tasüngbatem renemertem jagi tanurtem aser tsüraburtem tokolok belema shisabolubaji süokia ia bilema malitsüa akok, saka tanur ka government teyari agia medical azüngtsü renembaji tongpang tuluka anema nokdaktsü renemer amai renemer. Ibayongji, iba tatidang nung tamakok angurtem karbo tejashi marem peisasa pei taküm agir. Taküm küm-a NEET tatidang agiba tamagitsü kümtsüba agi tejashi marem nisung karbo peisasa pei taküm agiogo. Iba takoksaji kecha agia memenoktettsü. Iba ama tamakokji yimten nung lenirtemi pei tamakok ama agitsüla aser takoksa ajururtem mulung anisügzüka pei menden nungi alutsüla. Aji oda, mapang kabo linük nung train lendong atalokba ajanga railway minister Lal Bahadur Shastri, George Fernandes aser Nitish Kumar nung amaibo parnoksa mapa nungi anen. Atangji, train lendong atalokbaji minister-baji tai masü saka tanishisang mesüra train nung inyakertem kar tai ajanga asütsü, saka nübortem dang tejashi sayua anenba jagi aibelenertema mejenbur. Iba amaji kari makangyonga, tanüa Dharmendra Pradhan jagi pasasa mapa nungi anenlasang, lendong paidokba dang masü saka tarutsü nung NEET aser JEE ama tatidangji tajungba agitetla. Iba jagi, takar chirtembo yujang, kechiyong parnokjibo pei sen agi züngtettsü, saka sensaker chirnurtem aika tarutsü nung sensakertem dang meima yaritsüsa medical doctor aser engineer aika adoktsü.

OLEMSABANG

Kima nung Atsü ayimba

Source : Nokinketer

(Yashi adok nungi...)

- * Talanglang aliba aonsotsü asang amala koba teti alir (asparagus), squash (cho-cho)yamala. Item amala aonsotsüji teti atsü tezülen tsünüang ajida süra item tsünütsü jaki ali nunger meraksatsütsü aser tsünütsü memokbangtsü .
- * Aonsotsü melentepa yokang, tejang achiba aonsotsü(Leguminous vegetables) azüngken, motor amalaji ali nung temo teyari agütsütsü atema melentepa tsünütsüla.
- * Teti shia aonsotsü ongzükben achitsü atema, mapang tatsüka tsüngda nung chitetba aonsotsütemji ka mechimadang ano ka atemtsüla.
- * Atsü tsünglanglenji teti mesanga aoba aonsotsütem tsünütsüla aser lenmang kinük lenji pingana, tu achiba aonsotsütem tsünütsüla.
- * Yakta achiba aonsotsütemji tesem ka nung dang tsünütsüla, ajida süra ano menur atemba tsünütsü yoktsü atema tesem sadema angutsü.
- * Aonsotsü kobi (cabbage),sünger likok (brinjal), cauliflower, broccoli amala koba aintsü atema mapang talang ka agir, item teyongtsü nungji kara ainba aonsotsü tania (coriander) radish, spinach, lettuce amala, item aonsotsütem tsünütsüla.
- * Kima atsü nung tsünütsü atema kara kara ainba aonsotsü aser jenjang tasak masüba aonsotsütem yoktsüla.
- * Ali mool mozü maden yanglutsü atema kima atsü tezülenji ongken ka toa yur idakji joka nungi adokba janatem/aonsotsü tamajungtem aser tu tera tashitem bendena yur ali mool kümdaktsütsüla. Iba yagi kima atsü nung tsünüsembongtsü atema mool agütsür.
- * Kima atsü ayimba ya tsünüsembongtsü adotaktsüba mapa ka lir, mozü amshiba süngdong/ tsünüsembongtsü, tilateri tapu balala (spices). Tesem tilaka nung tsünüba,pei aliba ki tesem meketa aliba nung, küm tepiyung kidang aonsotsü agizükben achitsü atema tsünüba.

KIMA NUNG ATSÜ AYIMBA TELEMSA BALALATEM

- * Aonsotsü kisüng tsünüba atsü.
- * Aonsotsü tsünüba den külemi spices aser mozü atema tsünüba süngdonglidongtem.
- * Aonsotsü aser süngjanglijang atsü.
- * Aonsotsü, süngjanglijang, spices aser tu tapu balala (herbs) tsünüba atsü.
- * Aonsotsü aser naro tsüki.
- * Aonsotsü temeyoktep, süngjanglijang, spices aser tu tapu balala (herbs) tsünüba atsü.

KIMA NUNG ATSÜ AYIMBA NÜKJIDONG

- * Kima nung atsü ayimtsü tenzükdang tongmelang tenüngdakbatemji:
- * Kibong nung nütsüngyongsük kwi lir iba dak ajemdaker atsü tasazük ji asazüker.
- * Iba ya ki anasa asütsüla.
- * Atsü ayimtsü atema tesemji tetemsü aser melamela inyaktedsüla asütsüla.
- * Moapu anü polokba tesem asütsüla, kechibasüra tsünüsempongtsü junga aintsü atema anü tesangwaji kanga nüngdak.
- * Aküm maliba tesem asütsüla.
- * Tzüpu anasa, tzü yimdaka aliba anasa aser tzülentu lenmang balala nungi iba den ano joka nungi aloba tzü koba amshitedtsü akok item ji tsünütsü atema amshitsü.
- * Kimanung atsü ayimtsü tesem tajungtibaji anülulentip tesem koba atsü agi longbanga atsüa lir idakji ayimtsüla.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

J&K nung tzünglu agi timtem ajurua alirtem arogoi yaritsü



Jammu region kübok Rajouri district nung tzünglu kanga sashia aruba ajanga July 19 nü ajungben tzümetsüing adoka alinen aluba sülen gari raksar aliba nüburtemi reprangba noksa nung angur. Jammu-Srinagar diocese-i sorkar den teka amteper makamaiter nem teyari agütsüba nung yariteptsü sentong lir.

Srinagar, Chiteni/July 21 (Agencies): India nung Jammu and Kashmir region awabangba Catholic arogo kati sorkar den yaritepa tzünglu kanga sashia arua aliba anener makamaiter tem yaritsü sentong lir, kechiaser ajungben tzü metsüing adokba, tzünglu kanga sashia aruba aser alinen aluba ajanga kibong aika talidak ki maka kumogo, ta arogo ketdangsür kati ashi.

Iba Himalayas tenemtsüing region nung July 17 nü nungi tzünglu kanga sashia aruba ajanga nisung 17 süogo, ta ketdangsür temi July 19 nü ashi.

Tzümetsüing aser alinen ajanga lenmang, apu aser tanga ki o jen raksatsür nisung aika taolen maka mesüra teyari bushitsü lenmang mali lir, ta Social Service Wing of the Jammu-Srinagar Diocese indang director Father Senoj Thomas-i ashi.

"Meta talang nungi aruba osangtem kanga tebilemtsü lir. Tzünglu anenba sülen teyari balala agütsüba nung sorkar agencies den külemi inyaktsü onük team tem renema lir," ta Thomas-i ashi.

Arogo-i tang nüngdak masü teti asoshi nüngdakba nung rangloka raksar aliba ki o jen yanglutsüba nung yaritsü, ta pai ashi. Ki o jen raksaba ya hopta tatemlen tali atalok, kong tzünglu tanen makai kanga sashia aruba ajanga ayong tem tuluba kuma yimtsüing aser jila tem nunga ayim. Tesem aika nung alinen agi ki anenbangba aser lenmang tem nokdangba lir.

Kashmir Valley aser India sendaktepba lenmang tongtipangtiba, Jammu-Srinagar National Highway tesem aika nung nokdanga lir, anungji passenger gari aser trucks tem mesenzüteti anendaka lir.

Tzümetsüing agi Kishtwar nunga infrastructure projects tem nung kongshia Kwar Hydroelectric Power Project telungi tzü aser jana aita machinery aser gari tem raksatsü.

Iba ama teraksatsüba ajanga ki, osettsüset aser senotsü arutsü lenmang tem samar aliba kibongtem teti asoshi nüngdaka aliba atema tebilemtsü tali akar.

Arogo team temi nüngdakba

asadangtar aser sorkar indang agencies den teka amteper teyari agütsütsü, ta Thomas-i ashi.

Tenem nung aliba yimtsüingtem asoshi tebilemtsü tali lir, kechiaser alinen aser lenmang raksaba ajanga item tesem nung alirtem anogo aika senzüsemping mesütettsü, ta pai ashi.

Jammu-Srinagar Diocese yagi tesem tuluka ayimjemer aser talisa Jammu and Kashmir aser Ladakh aiter.

Khristanpur ya timba Catholics nung lir aser Jammu and Kashmir nung parnok 40,000 shi lir, kong Muslim nung timba sür nütsüing yongsük 14 million shi alir.

Ajisüaka taoba mapang iba ama alimar lendong timtem ajuruba mapanga meta talang nung alirtem nem arogoi social service institutions ajanga teyari agüja aru.

Central sorkari Jammu and Kashmir administration dang yaritsü shiogo aser rescue and relief operations maneni

inyaktar.

Ketdangsür temi tzüingsang majungba aser lenmang mejungi akumba mechi Hindu nung asoshi Amarnath pilgrimage khen atema soita lir.

Tzüingsang mopung takzür temi tzünglu ya July 23 tashi arutsü ta ashir, anungji ano tesem aika nung alinen aser ajungben tzümetsüing adoktsü tetsübo nung lir.

Meyi mapang iba ama timtem ya Jammu and Kashmir kisüing nung masü India northern aser northeastern tsütsü tesem balala nung tzünglu kanga sashia aruba ajanga ajungben tzümetsüing adokba aser alinen aluba lir.

Hopta tatemlen linük tesem balala nung tzünglu dak sendakba nung tasüba 21 liasü.

Himachal Pradesh aser Uttarakhand states tem nunga tzünglu maneni aruba ajanga tzümetsüing aser alinen tali alutsü imlar. Himachal Pradesh nung alinen agi national highways ana densema lenmang 84 nokdanga lir.

West Bengal Khristan temi sentong balala ayongzüksü

Kolkata, Chiteni/July 21 (Agencies): West Bengal nung Khristanpur tentet kati nüburtem tsüngta yimjung nung alitsü, constitutional rights wazüka ayutsü aser Khristanpur anema mapa tamajung inyakba asoshi mera tesashiba agitsü ayongzüka yimjung nung rallies aser lokti mungdang ayongzüksü sentong sangdongogo.

Tawa state nung Khristanpur dak tenük yoker azüdokshiba, ki o jen raksatsüba aser 'hate campaigns' tenzükbba asoshi item rallies ya ayongzüker, ta Bangiya Christiya Pariseva (Bengal Christian Council mesüra BCP ta ajar) ajanga July 18 nü ashi.

Iba telok yagi Ato Kilonser Narendra Modi aser West Bengal Chief Minister Suvendu Adhikari dang yimjak nung iba tensa indang jembitsü aser Khristanpur kumzüka aser akhum agüja alitsü asoshi tekeraba nung mera agitsü ayongzüik.

Parnok anema

inyaksangshiba rongnung tawa Subhasgram kübok Buri Bot Tola tesem nung tekülem ki ka indang kangki raksa indoktsüba parnoki ashi.

"BCP-i iba inyaksangshi aitsür, koba Khristanpur temeshi maitsü dak kongshiba lir aser nüburtem tesunep nung aliba asoshi timtem lir," ta BCP founding member aser state core committee züingsem Herod Mullick-i Hombarnü UCA News dang ashi.

Khristanpuri akhi mapang nungi shisaliok, health care aser nübur tenzükbba mapa nung shilem tajung agia aruaka 'religious fundamentalist groups' temi Khristanpur ya linük anemer ama sayura teka amteper mera agiba atema tebilemtsü akar, ta Mullick-i ashi.

Tashiyim amshia tamangba yimsü melendaktsür ta tai tongloksüba July 18 nü sangdong ka nung BCP-i magizük aser yamaji jembiba bhukumtsü kuli kecha maka ta ashi. Iba ama tai tongloksürtem

ANOGO ABEN TSÜNGREM DEN

Taochi agi sünga aliba Tsüngrem

"Saka tang Khrista Yisu nung nenok shir alemli talang nung liasü, nenok Khrista Yisu zü nung anasa kümdakja lir" (Efesa 2: 13)

Kodang Adami tashi mangaba ajanga alimai temenen aru, meimchiri Tsüngrem anasa mouteti Pa den telongjem sama. Aji oda süaka, temenen ajanga Adam Tsüngrem den telongjem samaba putu ajak nungji Tsungremi Adamji repranga aser nüka liasü. Anungji, ano tanaben tesendaktep yanglutsu asoshi Tsungremi tanabuba Adam yoka Pai mapa inyakba Tasen Lai zülurtemi zülü.

Nisungi Tsüngrem nungi pilaa ao aser ammag aser tasüba nung ali. Adam aser Eva atsüki nungi aridok. Tasü tait melena tetsübu aru. Mulungdok aser teimlaji tetsübu tatenden den melentep.

Nisung samaa alibaji Tsüngremi lenmang yanglua Pa anasa anir arutsü jangraa liasü. Anungji meimchir menen alangzüksü aser timtem ajak aremtsü Tsüngremi Pa ajaso chir iba limai yok. Kodang nisungi Khrista dak tamang ayu, idangji Tsüngremi nisung nem tatok agütsü. Angati Tsüngremer taochi ajanga Pai tamanger ajak yimsüsüba menden anasa arutsü lenmang lapoktsü, kechiaser Tsungremji temeim agi sunga aliba Tebu lir.

Asenoki maneni temenen mena-aka, Pai maneni pa anasa arudaktsünüa atar. Pai nisung kata temenen nung mesamadaktsüner. Tsungremibo meimchir ajak Pa temeim nung pelatepa lidaktsüner, saka nisungi tashi mangaba ajanga Pa nükjidongji matalokerba dang.

dang kuli tejangja sayutsü tesem balala nung peaceful parnoki ashi. rallies aser mungdang

Junga amenoka aliba ayongzüksü. District balala arogotemi tashiyim amshia nung rallies ayongzüksü mesüra mesüzüka tamangba anogotem ya pei district yimsü melendaktsütsü committees ajanga

majungshir, ta BCP-i ashi. sangdongtsü, ta ashi. BCP-i state tesem ajunga

Khristan yimsü agizüksü ya pei nung sarasadem mungdang ka sasa mulungteta telemtetba ayongzüksü sentong

agiba nung keta lir, ta ashi. metetdaktsü, aser iba atema anogo aser tesem khen lir

sendaktepa mali ta sangdongba sangdongtsü. BCP ketdangsür kati July 19 telok kari inyakba ya amshia nü UCA News dang ashiba agi, Khristanpur tenüng Archbishop Elias Frank of

memenüktsütsüla, ta parnoki ashi. Kolkata-i temaba jenjang nung Kuli tejangja makai maneni shisa agiteptsü asoshi July 18 tai tongloksüba anema ozüing nü par state core committee agi melaba mera bushitsü asoshi nungi züingsem asem delegation sendaktepa aliba lokti tentet den ka ajurua liasü.

külemi inyaktsü renema lir, ta BCP-i ashi. Iba mapang West Bengal Tamekdak dak tejangja nung Khristanpur telungjem makai tiaüz olulu prokshiba tashi itshitsü, organizational ajanga timtem agütsüba melen representation tajungba

ozüing agi melaba ama onok kumdaktsütsü, grassroots level nung tamanger aliba timba kumdaktsütsü nükjidong nung pangzüing balala yanglua kumdaktsütsü nükjidong nung senden tembanga liasü. Ta

Iba campaign nung shilem BCP-i ashi. ka ama BCP yagi West Bengal

AO OSHI ANGAZÜKDAK:**TANÜ ANGAZÜKTSÜBA OJANG**

Tir Yimyim

Yutsüogo

(adj) osettsüset kar toktsüba (left something)

* Nür kidang nie shijep ka yutsüogo.

Yutsütsü

(v) toktsütsü (will keep at / leave at)

* Ni abenba mapa ya yutsütsü atems shiti ka nü ket nung yutsütsü.

OLONG PAITEP # 7574

	1		2			3		4		5
6								7		
					8		9			
			10							
11										
				12						
13		14		15						16
17								18		

TIPLIN

1. Inyaker ajangtetba

-(3)

3. Bangsemo adokdak

-(5)

6. Shitak mesüi inyak

-(7)

7. Ya mimong nung angur

-(3)

9. Reprangzük

-(4)

10. Tasola

-(5)

11. S _ _ _ _

-(4)

13. Yagi ajak ashioktsür

-(3)

15. Ki aokba oset

-(7)

17. Ak shi nung inokba tasen

-(5)

18. Ishika

-(3)

LANGTSÜNGLEN

1. Meshidak

-(3)

2. Tanaben soshir

-(7)

3. Iba anogo

-(4)

4. Meshi

-(3)

5. Yagi mi tsükloker

-(9)

6. Shi tapu ka

-(9)

8. Yagi ayimer saka ozü masü

-(3)

9. Ajokba shiruru ka

-(7)

12. Inyaktet

-(4)

14. _ _ _ hi

-(3)

16. Akümüli nungi pilar

-(3)

OLONG PAITEP # 7573 TELANGZÜBA**TIPLIN :**

1. Telok, 4. Aluru, 6. Ozüing, 8. Emk,

9. Kin, 10. Teti, 12. Süir, 13. Jen,

14. Ola, 16. Talak, 17. Mazük.

LANGTSÜNGLEN :

1. Tenükjang, 2. Luden, 3. Kiochtsü,

5. Lenti, 7. Tajangzük, 11. teronem,

12. Sempa, 13. Jahaz.

NAI-A YA METETTER

British runner Josh Kerr-i July 19, 2026 nü alima otsü tasen ka yangluogo aser iba ya pa mile ka tekaraba asemtetba lir.

London nung Diamond League meet mapang arishi küm 28 tain Kerr-i minute 3 ser second 42.66 nung mile ka asemteta otsü tasen yanglua liasü.

Morocco runner Hicham El Guerrouj-i 1999 nung Rome nung minute 3 ser second 43.13 agia asemtetba atema otsü yanglua aliba Edinburgh nung alir Kerr-i ajatetogo.

Wangala Festival nung 1,000 Drums performance alitsü

Shillong, July 21, 2026

(Agencies): Meghalaya nung Wangala Festival indang Golden Jubilee edition nung otsüsüa benjungtsü sentong renema lir.

Iba benjung nung 100 Drums amshia arur saka taküm 1,000 Drums performance ajanga Northeast nung sobaliba

sentong tulutiba ka kümdaktsünür.

State sorkari iba benjung nung nisung lakh 1 tema atsür arutsü imlar aser Northeast nung sobaliba sentong nung nisung teimtiba adenshiba benjung ka südaktsünür.

Sorkari iba dak rangloker

infrastructure kanga ulushidar aser iba nung road connectivity tajungba aser Baljek Airport ulushiba dena lir.

Item maparen ajanga Garo Hills ya cultural tourism atema tongti tesem ka kümdaktsütsü aser rongsenketzüing maparen ajungkettsü nükjidong nung inyaker.

Golden Jubilee benjung ajanga Garo nunger sobaliba takar senmang sayuba dang masü saka Meghalaya-i tourism ajungkettsü, lisopur inyaksangshi wazüka ayutsü aser local businesses o communities asoshi maongka tasen bentsür arutsü tenangzükba akangshitsü ta sorkari ashi.

Wangala Festival ya tsük arohba mongpu nung amunger aser Garo nunger asoshi tongtipang benjung ka lir. Parnoki iba benjung nung Sun God, Misi Saljong nem tetushi agüja amunger.

Tinsukia nung ASF wara atema anogo 30 tenokdangba agütsür

Digboi, July 21, 2026

(Agencies): Assam kübok Tinsukia district administration-i Hombarnü African Swine Fever (ASF) wara atema tenokdangbatem agütsüogo.

Margherita Revenue Circle kübok Simoluguri village nung ASF putetba sülen ketdangsürtemi iba osang metetdaksü.

Tinsukia district

administration-i anogo 30 nü atema an shishilembaba noktangogo. Parnokisa ak aser pork products mebenshitsü tenokdangba agütsüogo.

National Action Plan for Control, Containment and Eradication of African Swine Fever sülen anidaka District Commissioner-i Simoluguri nungi kilometer 1 telongtet 'infected zone' aser kilometre 10

telongtet 'surveillance zone' ta sangoktsüogo.

Digboi Co-District nung ak aser pork products ayokba dokan ajak taruba anogo 30 tashi shibangtsü parnokisa tetuyuba agütsüogo.

District administration-isa kidanger Arunachal Pradesh dena co-district nung ak aser pork products ayokba, belenba aser senzüba ajak noktangogo.

Tripura nungi Chandamita Roy-i Best National Costume angu

Agartala, July 21, 2026

(Agencies): Miss Teen Diva 2026 tetoktepba nungi Tripura nungi Chandamita Roy-i Best National Costume award nguteta state nem konang bentsür aruogo.

Chandamita Roy-i lisopur senmang aser India lisopur inyaksangshi sayuba subotsü ka asem.

Iba costume ya Northeast India Fashion Week - The Artisans Movement Founder & CEO Yana Ngoba Chakpu-i purapiteta yangluba liasü.

Iba costume nung handwoven Debbarman (Tripuri) textile aser traditional

loun loom dena lir. Tripura nung state flower Nagkesar ajanga ajungmesoa iba costume nung floral wings keta lir aser iba ajanga state tobur ajungba, akanga noktakba aser sobaliba maitsü sayur.

Iba costume nungsa Indian coin jewellery, red beads aser silver tribal ornaments enoka lir aser iba ya linük tesem balala lisopurtemi ajungmesoa enoksemba lir.

Tripura Tourism Minister Sushanta Chowdhury-i iba costume pusema nungit aser state sorkari Tripura nung sobaliba senmang aser tourism ajungkettsü merangba

metetdaksü.

"Linük sabang nung Tripura tenüing nung shilem agiba ya tetushi ulura" ta Chandamita Roy-ia ashi.

"Best National Costume award anguba ya konang ka lir aser iba ajanga asen weavers, artisans nem tenüingsang agütsütsü aser parnoki maneni asen sobaliba inyaksangshi wazüka ayutsü imlar" ta laisa ashi.

Iba costume ya Tripura indang dang masü saka India nung lisopurtem senmang otsü ashitsü atema yanglu ta designer Yana Ngoba Chakpu-ia ashi.

Donald Trump-i Canada nunger oset nung tariff shilem 50 meshitsü

Washington, Chiteni/July 21 (Agencies): Canada nunger oset kar nung tariffs tasen shilem 50 meshitsü totuyuba agüja US Tir Donald Trump-i Hombarnü meyongnem agütsüogo aser Ottawa-i America indang yi, automobile aser diary products tem bensaa amshir ta aitsü.

Iba tariffs ya anogo 30 tsüngta meshi tenzüksü aser iba ya yi, hockey sticks, cement, diary oset, furniture, süoshi aser tanga osettem dena products balala nung alitsü, ta White House fact sheet ka ajanga ashi.

Trump-i Tariff Act of 1930 indang Section 338 amshia iba tariffs ya meshir, kobai linük tejangja kar nungi osettsüset bener aruba nung duties meshitsü melar. Iba duties tasenba ya August 19 nungi meshi tenzüksü.

Tariff tasenba ya energy, potash, angos, critical minerals aser sector-specific tariffs agi kongshir aliba oset nung memeshitsü, ta White House-i ashi. Ajisüaka US-Mexico-Canada Agreement (USMCA) küboki aitba oset nunga

meshitsü. US products anema Canada-i inyakba mechi tariffs tasenba ya meshir, kechiaser Ottawa-i American exports nokdang aser par domestic industries kumzüka ayur, ta White House-i aitsü.

"Meranga inyakba America nunger nem tebilemtsü agüja aser akoksatsüsa US commerce bensaa amshiba aser tanen makai bensaa amshiba atema Tir Trump-i iba mera agir," ta White House sangdong ka nung ashi.

Canada-i store shelves nungi US alcohol products tem agienogo, aser European Union diaryb products nem market access tajungba agütsür aser US vehicle exports ajemdaktsür, ta US Trade Representative Jamieson Greer-i ashi.

White House-isa ashiba agi, Canada-i US motor vehicles bener aoba shilem 22 agi ajemogo aser US alcoholic beverages bener aoba shilem 81 agi ajemogo.

White House-i iba osang sangdonger ghonda ishika lir Canada Ato Kilonser Mark

Carney-i sangdong ka nung, United States den shishilempaba jembishinü akangshitsü Ottawa renema lir, ta ashi.

"Canada-United States-Mexico Agreement nung aibelena US-i tariffs meshi tenzüka tsütsü US-i par sasa mera balala agia aruba nung ibai tesüsaba alitsü," ta Carney-i sangdong nung ashi.

Washington-i shishilempaba tesendaktep melenshiba mapang Ottawa-i mepetmesü angatetteptsü atema proposals agütsüogo, aser itemji tali jembishinütsü renema lir, ta Canada ato kilonseri ashi.

Tang tesüsa tariff mera yagi Washington aser Ottawa tsüngta tesendaktep tali tamajungba akumtsü imlar. United States telung tashi morok mi indang mokozü aitba mechi Trump-i Canada dang tariffs tali meshitsü Trump-i amokmerener anogo ishika lir iba osang ya sangdonger alitsü.

Taoba mapang Trump-i tariffs meshiba nung tayang kepzüka linük ana rongnung China den Canada ya lir, ta White House-i ashir.

Israel military atsüngiba sülen Lebanon south leni army yokogo

Beirut, Chiteni/July 21 (Agencies): Israel nunger sepaitem Lebanon south len Zawtar al-Gharbiyeh jila temeket nungi atsügingba sülen Lebanon army yokogo, ta Lebanon nunger security ketdangsür kati ashi. Iba ya US teyongtsüi ia yangluba sentong nung shilem ka lir.

Sentong kübok Lebanon army-i linük south len Iran den sendaktepa aliba Hezbollah telok indang prangbong haritem meshia ayutsü aser Israel nunger sepaitem shilem balala küma lemsar iba tesem nungi atsüngintsü renema lir.

Israel military-i Hombarnü ashiba agi, sentong koba dang pilot zone programme ta ajar iba ya tenzükogo. Ajisüaka parnoki Mongolbarnübo osang kecha magütsü.

Mongolbarnü parnoki atsünger aliba tesemtem meyipa agütsüba ya iba sentong kübok mezüngbuba tetendangba asütsü. Iba ajanga Israel nunger sepaitemi Lebanon litsü km 10 shi atsünger aliba ya aziokshitsü atema lenmang lapoktsütsü ta Lebanon-i amanger.

Iba tesem nung yimtsüng aika rongtokogo aser public infrastructure tema raksaogo, kong mozüki, power station aser

tzü pump tem densema lir. Ano iba tesem nung aliba Lebanon nunger meyirejang aika pei kidangi meyipa moteti lir.

US- Israel nati Iran amak tenzüka sülen anogo ana lir Hezbollah aser Israel na March ita nungi raratep tenzüka liasü. Hezbollah-i ashiba agi, Tehran pusema parnoki iba jenjang agir.

Kasa mapang nung Lebanon army-i ashiba agi, parnok indang unit tem Mongolbarnü Nabatieh region kübok Zawtar al-Gharbiyeh-i yokogo.

Army-isa, iba tesem nung alirtem dang tensa tajungba maküm tashi iba jila yagi meyipa marutsü ayongzükogo ta ashiba den parnok lendongi maitsü atema military unit tem tetuyuba sülen tashi anga anidaktsü metetdaktsüogo.

"Iba pilot ya yimtsüng asem nung Lebanon Armed Forces' sovereignty tetendangba ka asütsü," ta Israel military ketdangsür kati ashi.

Israel nunger ketdangsürtemi Lebanon-i Hezbollah pur ya disarm mesütettsü ta bilemer, ajisüaka Israel-i iba tenangzüktepba yangluba ya Lebanon yimjung nung toktsütsü atema tongtibang jenjang ka ta bilemer.

Houthi teloki shipping company tem nem tekümdangtsü metetdaktsü

London, Chiteni/July 21 (Agencies): Shipping company temi Saudi Arabia indang rongnendak khu kecha magizüktsüla mesüra mebenoktsüla, ajita mesüra rongtem ya mashi tesem ka nung amaktsü akok, ta Yemen nung Iran den sendaktepa aliba Houthi teloki company balala dangi yokba email nung shia lir.

Houthi telok yagi Hombarnü Saudi Arabia indang rongtem nem tenokdangba agütsüba sangdongogo, aser iba ajanga United States aser Iran na tang raratepa aliba ano tesem tanga ka nung rara tenzükdaktsütsü ana nung lir. Maneni iba ajanga Gulf adener global energy supply nung tetsükdaktsü adoktsü akok.

"Saudi indang rongnendak mashi ka nung khu agizüktsü

aser belenoktsü tenokdangba agütsüogo," ta July 20 nü company balala dangi yokba email nung shia lir.

"Ner company dang kanga kümdanga inyaksangshitsü metetdaktsür," ta industry nung company tem dangi yokba email nung shia lir.

Tetuyuba tasen ya July 20 nü 1201 GMT nungi benoka inyaksangshi tenzükogo, ta kasa email nung shia lir.

"Iba amala inyakyim kar nung danga shilem agiba jangjara rongtem nem tenokdangba agütsütsü, ta email nungsa shia lir, koba Houthis' indang Sanaa nung amendaker aliba Humanitarian Operations Coordination Center (HOCC)-i yoka liasü.

"Maneni item rongtem ya Yemeni Armed Forces

tazüokba kübok aliba tesem mashi ka nung amaktsü akok," ta tekümdangtsü metetdaktsüogo.

Temerem tzüyim nung lenmang shibangba ajanga Strait of Hormuz shibanger aliba mapang Saudi Arabia asoshi tetsükdaktsü tulu asütsü.

Houthi puri 2023 küm November ita nungi Temerem tzüyim nung rongtem amak tenzüka tang tashi akhi ama inyakyim dangi marui lir.

Iba mapanga Houthi teloki HOCC-i amshia shipping industry tem nem tekümdangtsü metetdakja liasü. 2023 küm nungi 2025 küm tashi shishilemba dang amshiba rongtem amakba ya taoba küm October ita Gaza nung ceasefire benokba sülenang anena liasü.

Rahul Gandhi-i anir party... (Tapak 3 nungi...)

Kasa mapang nung CJP representatives, Saurav Das aser Ashutosh Ranka nati Hombarnü longkak aitba sülen Union health minister J P Nadda den ajurutepa parnok telok takhangba tezüluba nung agütsüogo.

Jantar Mantar nung longkak aitertem indang infrastructure tem raksatsüogo, aser kasa mapang nung central Delhi kübok tesem kar nung Section 163 benoka lir, koba ajanga nisung pongu dak tema adenshitsü memelar.

Ajisüaka CJP ngutetsang Abhijeet Dipke Jantar Mantar nung maneni longkak aitar aser

Pradhan mapa nungi manen tashi maneni longkak aittsü ta shiogo.

Climate activist aser education reformer Sonam Wangchuk Safdarjung Hospital nung maneni lumia longkak aitar. July 18 nü pa Delhi Police-i anir aoba sülen tang iba mozükidang yua lir.

Mozüki nungi sangdong ka ajanga ashiba agi, Wangchuk indang serum potassium level 3.2 mEq/L lir. Pa nem oral rehydration solution (ORS) aser oral potassium supplements agütsüdar, saka pai intravenous fluids aser glucose agitsü memulunger.

GOVERNMENT OF NAGALAND

DIRECTORATE OF HIGHER EDUCATION

NAGALAND: KOHIMA

NO. HED/GRANT-IN-AID/4/2012-13/

Dated Kohima, the 21st July, 2026

NOTIFICATION

Eligible NAAC Accredited & AAA Inspected Private Secular Colleges and Government Affiliated/Accredited to category A&B for Theological Colleges are hereby informed to download the **Grant-in-Aid form** for the year **2026-2027** through the Department's website **www.highereducation.nagaland.gov.in** and submit the filled up form to the undersigned from **27th July to 27th August 2026**. Forms will not be accepted after the stipulated date.

Sd/-

Ex-Officio Director

Higher Education

Nagaland: Kohima

ALI TAYOKTSÜ LIR

SM Colony Dimapur, City College anasa. Ali takong 4884 sqft. Price Rs. 1300 per sq. ft (Negotiable) Contact No: **8974571416 / 8798119488**



GOVERNMENT OF NAGALAND

DIRECTORATE OF HIGHER EDUCATION

NAGALAND, KOHIMA

www.highereducation.nagaland.gov.in

dir.highedu@gmail.com

NO.HED/SCHO/MISC/36/2025/

Kohima, dated the July 2026

NOTIFICATION ON DISBURSEMENT OF POST MATRIC ST SCHOLARSHIP

It is hereby informed to all beneficiaries of the Post Matric ST Scholarship that the Department has initiated the process for the release of scholarship funds. However, as the entire disbursement process is conducted through an online platform, certain technical issues have resulted in a temporary delay. The Department is actively addressing these issues to ensure that the scholarships are disbursed at the earliest. The scholarship amount will be directly credited to the beneficiaries' bank accounts through the Aadhaar-based Direct Benefit Transfer (DBT) system as and when the funds are credited to the dedicated RBI Scholarship Account.

The following are notified for the information of all beneficiaries and stakeholders:

1. The Department shall disburse the **Post Matric ST Scholarship to 40,791** beneficiaries, with a total sanctioned amount of **Rs. 5497.86 lakhs**. The disbursement shall be made online through the Aadhaar-based Direct Benefit Transfer (DBT) system.

2. SMS notifications have been issued to beneficiaries whose bank accounts are not Aadhaar-seeded and enabled for DBT. Such beneficiaries are advised to complete the Aadhaar seeding process at the earliest to facilitate the smooth and timely credit of scholarship funds into their accounts.

Sd/-

Director

Higher Education

Nagaland: Kohima

Mkg. nung 38Buba Mokochung District Open Badminton Championship-2026 kadagi



Mokochung nung 38Buba Mokochung District Open Badminton Championship-2026 tenzükba sentong nung alakteta jaoker, MDBA pur, sentong nung shilem agirtem aser asayartem ajak külemi tangokba noksa.

Mokochung, Chiteni/July 21 (TYO): Mokochung District Badminton Association-i (MDBA) ayongzüka 38Buba Mokochung District Open Badminton Championship-2026, Indoor Badminton Stadium Mokochung nung tanü nungi tenzüka asayadagi aser July 23 nü tembangsü.

Iba tournament nung Under-9 boys singles, Under-9 girls singles, under-11 boys singles, under-11 girls doubles, under-11 boys doubles, Under-13 boys singles, under-13 girls singles, Under-13 boys doubles, under-13 girls doubles, under-15 boys singles, under-15 boys doubles, under-17 boys singles, under-17 boys doubles, Junior boys singles, junior boys doubles, senior boys doubles aser 35+ doubles Mens ta asayatsü lir.

Mokochung District Badminton Association

President Wb.Imomar-i tarurtem pela agizüka jembiba den ano paisa taruba 2027 küm Mokochung nung Inter District Badminton Tournament akatsü, anungji tang iba tournament nung asayartem temulung agüja asayatsü asoshi asayartem ajungshia liasü.

MDBA President-isa Mokochung nung badminton nung temulung agüja asayar lanur pungo (5) tashi department nung sorkar mapa inyakdagi, anungji asayartem asayba nung temulung agüja asaya-a pei taküm asoshi temoatsü lenmang renemtsüla ta ayongzüka jembiba.

Tanü iba sentong nung Alakteta Jaoker Department of Social Welfare nung District Programme Officer Wb. Imliyanger-i mapang tatsüka agia jembidang lanurtemji tarutsü anogotem aser putu asoshi kanga dang nungdakba purtem lir, anungji lanurtemi

nenok lanuwa mapang nung nenoki nenok sempet shitak meteta inyaktsü aser alitsü kanga nungtaker ta ashi.

Paisa, asayartem dang asayaba mapang nung teyanglur Tsüngrem bilemtetetsüla aser ibaji ajanga nai azüoka asayatsü aser ibaji ajanga nai tetoktepba nungji takok ngutettsü ta asayartem ajungshi. Iba den külemi asayartem ajak kaketshirtem lir anungji kaketshirtemi pei-i jangraba asaya asayatsü akok saka pei tazüngba nung tamakok mangutsüsa tazüngba nung temulung timba agütsütsü nungdaker ta asayatem ayongzüka jembiba.

Iba sentong Kr. Imolemla Longkumer lenisüba nung agi aser Tsüngrem lenisüba jazüka Kr.Tesüjungla, Police Baptist Church Youth Pastor ajanga sarasadema tenzükba den Kr. Linovi Chishi-i ken tajung ka tena telok ajungmesoa liasü.

Cummins, Hazlewood & Lyon nunger Bangladesh den Test asayatettsü

Chiteni/July 21, 2026 (Agencies): Australia captain Pat Cummins, fast bowler Josh Hazlewood aser spinner Nathan Lyon nunger yirur aliba taneptsü anguba sülen taruba ita kidang Bangladesh den Test ana asayatsü aliba squad nung züngoksemogo.

Parnok asem ya Mongolbarnü Darwin (August 13-17) aser Mackay (August 22-26) nung Test ana asayatsü aliba atema asayartem sangdongba nung densema liasü. Iba asayamung ya World Test Championship cycle nung shilem ka asütsü.

Australia nunger bowler Cummins, Hazlewood, Mitchell Starc aser Lyon nunger küm ka tejakdang West Indies nung oa asayaba mapang külemi aonba sülen yiruba ajanga tang tashi khen danga külemi asaya mali, ajisüaka chief selector George Bailey-i ashiba agi, parnok asemprongla ya temang anema

lir saka Bangladesh den külemi asayatettsü masayatettsü mejangja.

Hazlewood-i tang tashi nung Test asaya nung wicket 295 agir lir, aser pa ya Australia nunger bowler tem rongnung tajungtiba ka lir, saka pa yiruba ajanga küm ishika junga masayateti arudar, kong Ashes asayamung nung khen danga masayaba densema lir.

Pa masayaba mapang arishi küm 37 tain Scott Boland-i England 4-1 agi akokba asayamung nung wicket 20 agiogo.

Hazlewood team nung züngoksemba tetezü Michael Neser masayatettsü.

Usman Khawaja asaya nungi anisüngzüka sülen tang mezüngbuba Test asayatsü lir aser iba ajanga top order nung tanga asayar nema lenmang lapoktsüogo.

Taoba Ashes nung junga masayatetaka South Australia

opener Jake Weatherald squad nung züngoksemogo. Ashes nung asaya pongu nung pa indang average 22.33 liasü.

Kasa mapang nung Cameron Green-ia Ashes nung batting aser bowling naprongla junga masayatetaka pa squad nung dena lir. Team nung pa aser Beau Webster na all-rounder asütsü.

Australia team World Test Championship table nung tang temaba jenjang nung lir aser Bangladesh den asayamung ya kokra parnok October ita South Africa den masaya tsüngda jenjang kanga junga kümer atatsü.

Australia squad: Pat Cummins (captain), Scott Boland, Alex Carey, Cameron Green, Josh Hazlewood, Travis Head, Josh Inglis, Marnus Labuschagne, Nathan Lyon, Steve Smith, Mitchell Starc, Jake Weatherald, Beau Webster.

China Masters: Devika & Prannoy na mezüngbuba round nung tsükogo

Chiteni/July 21, 2026 (Agencies): Mongolbarnü nungi tenzüka tang asaya aliba China Masters 2026 nung India nunger badminton asayar Devika Sihag aser HS Prannoy na mezüngbuba round nung tsükogo.

Tetsür kija asaya nung Devika-i game asem tashi kanga toktepba asayaba sülen tamakok angu, saka Prannoy bo straight-game nung dang tamakok ngua liasü.

Thailand Open champion Devika Sihag-i mezüngbuba round nung Thailand tsür Busanan Ongbamrunphan den asaya temulungtetba tulu nung asayaogo.

Mezüngbuba game makokba sülen lai tanabuba game koka decider asayatsüsa aküm, ajisüaka lai tanabuba game nung asayaba ama masayateti tsükogo.

Sihag ya 19-21, 21-19, 13-21 agi Ongbamrunphan-i

tsükdakja liasü.

Kasa asayamung tebur kija asaya mezüngbuba round nung HS Prannoy-i 10-21, 14-21 agi Malaysia nunger asayar Leong Jun Hao mekoki tsükogo. Prannoy ya joko asayamung aika mezüngbuba round nung dang tsüka arudar.

Taoba mapang World Championships bronze medallist yagi asayanüba ama masayateti aibelen aika mena aser pa straight games nung kokdaksüogo.

Kasa asayamung nung Bodhbarnü taoba hopta Japan Open koker alila PV Sindhu asayatsü lir. La mezüngbuba round nung külem India tsür Unnati Hooda den asayatsü.

Tebur kija asaya nung Lakshya Sen aser Ayush Shetty nata asayatsü anunga lir. Tenaprongla tawa junga masayateti arudar, saka tang iba asayamung nungbo junga asayatettsü imlar.

Harmanpreet lenisüba nung India team FIH Hockey World Cup asayatsü



Chiteni/July 21, 2026 (Agencies): Taruba ita FIH Men's Hockey World Cup asayatsü aliba atema asayar 20 agi kümtetba India team Mongolbarnü sangdongogo. Ajisüaka iba asayamung nung asayar tajemba agir asünung FIH Pro League European leg nung asayaba asayar pezübo meshim.

Defender Amandeep Lakra, midfielders Raj Kumar Pal and Rabichandra Singh Moirangthem aser forward Selvam Karthi nunger team nungi züngtokogo.

June ita FIH Pro League campaign nung India team-i junga masayateti asaya pezü dang akok. Parnok asaya pongu draw asü aser tenet nung tamakok anguba sülen team teku asayaba asayamung nung tibuba nung tembanga liasü.

2023 küm iba asayamung nung India team tekububa nung tembang, aser 2975 küm Kuala Lumpur nung takok anguba sülen India-i medal ka danga

ngua mali.

Iba masüadang India team-i Barcelona nung 1971 küm bronze aser 1973 küm Amsterdam nung silver medal ngur liasü.

Ace drag-flicker aser defender Harmanpreet Singh shiba lenisüba nung India team-i 2024 Paris Olympics nung bronze medal ngua liasü, pa lenisüba nung India team iba asayamung asayatsü.

Iba asayamung nung India team Pool D nung England, Pakistan aser Wales den ata lir. Group-stage nung asaya ajak ya Amstelveen, Netherlands nung asayatsü.

India team mezüngbuba asaya Wales den August 15 nü asayatsü aser iba sülen England den August 17 aser Pakistan den August 19 nü asayatsü.

India Squad: Goalkeepers: Mohith HS and Suraj Karkera

Defenders: Jarmanpreet Singh, Harmanpreet Singh (c), Amit Rohidas, Jugraj Singh, Sanjay, Sumit and Yashdeep Siwach

Midfielders: Rajinder Singh, Aditya Arjun Lalage, Hardik Singh, Manpreet Singh, Nilakanta Sharma and Vivek Sagar Prasad

Forwards: Dilpreet Singh, Shilanand Lakra, Sukhjeet Singh, Mandeep Singh and Abhishek.

BILEMDANGANG

"Rongsen dang nungi shisatsü taretba."